

PAN E VIN DEL 5 GENNAIO 2011

N°	Filastrocche	Ritornello
00	Pan e vin e bisatele, che le biave le vegni bele	Da lontan e da vissin Ehh Pan e Vin!
01	Pan e vin par noi de Palse, sperem che le fadighe le sia valse par far si che l'ano nol sia funesto el pan e vin lo brusemo presto	Da lontan e da vissin Ehh Pan e Vin!
02	Pan e vin da Rondover a Pieve, le fulis-cie le ne dirà, se l'ano sarà lieve ma se il verdeto sarà crudele a farina n'daren co le scudele	Da lontan e da vissin Ehh Pan e Vin!
03	Pan e vin par el nostro Pievan sempre pronto a darte 'na man e anca el 17 gennaio de sto ano brindaren par el sò compleano	Da lontan e da vissin Ehh Pan e Vin!
04	Pan e vin fat dai Marin e i Dei Negri, con i Boer e i Pasut par star allegri, anca sto ano le litanie i cantarà el pronostego dele fulis-cie i ne darà	Da lontan e da vissin Ehh Pan e Vin!
05	Pan e vin par Boer Ruggero, l'è artista del brulè, soave e leggero, co i so amici fa salva 'na tradission noi lo iuten, bevendo in continuasion	Da lontan e da vissin Ehh Pan e Vin!
06	Pan e vin par Giovanni Boer, l'ha realizà el Presepio de olivo e no de morer, sto ano l'ha zontà " <i>l'ultima cena</i> ", el ga man sapienti da lavorar con lena.	Da lontan e da vissin Ehh Pan e Vin!
07	Pan e vin par le femene de la borgata anca sto ano la pinza i la gà fata bona e tanta come da tradision ringrazien e magnen in continuasion	Da lontan e da vissin Ehh Pan e Vin!
08	Pan e vin par el campanil rinnovà, indossar il pigiama ghe gà giovà, par quei de Portovieli, Manhattan ghe sembrava, anca se quel de prima, l'ora meio l'illuminava.	Da lontan e da vissin Ehh Pan e Vin!

PAN E VIN DEL 5 GENNAIO 2011

N°	Filastrocche	Ritornello
09	Pan e vin per Bepi Gaiarin el gà voluo la sagra de San Martin ma anca se gera piova e se bateva i denti tuti quanti i se stà contenti	Da lontan e da vissin Ehh Pan e Vin!
10	Pan e vin par l'impresa Biscontin che de lagrime i gà impienio un bel cadin, el so uficio le sta violà, perfin le carte le gà svola	Da lontan e da vissin Ehh Pan e Vin!
11	Pan e vin par i nostri alpini i fa da magnar da cuochi soprafini anca el campanil a Nadal i gà adobà e non i manca de invitarne a beber là	Da lontan e da vissin Ehh Pan e Vin!
12	Pan e vin par i fioi della sagra, senza il loro aiuto la saria magra, co' loro servissio fat rapidamente tuti quanti i gà magnà felicemente	Da lontan e da vissin Ehh Pan e Vin!
13	Pan e vin a Palse con la Rivolussion no bastave quella de Napoleon? Alle ruspe, de notte, fogo i ghe gà dà per fortuna che i lavori no i se gà fermà	Da lontan e da vissin Ehh Pan e Vin!
14	Pan e vin par Celeste Turchet, davanti la telecamera l'è sta bravet la sò storia el ne gà raccontà, e nel DVD l'è stà immortalà.	Da lontan e da vissin Ehh Pan e Vin!
15	Pan e vin par le sorele Santarossa, la loro storia lè stada grossa, e una grande emossion le gà provà, quando le foto de fameia le gà ritrovà,	Da lontan e da vissin Ehh Pan e Vin!
16	Pan e vin de le fameie Biscontin, da quela dei mori se beve el bon vin da quela dei biondi se magna e se canta e per tuto l'ano, i se ne vanta	Da lontan e da vissin Ehh Pan e Vin!
17	Pan e vin dai Lucodistan par scaldarse se balarà el can can trovaren pinza, vin brulé e salame anca stavolta no morirem de fame	Da lontan e da vissin Ehh Pan e Vin!

PAN E VIN DEL 5 GENNAIO 2011

N°	Filastrocche	Ritornello
18	Pan e vin dai Sondit, se magna e se beve col picolit se poi le fulis-ce le va dove che le vol i se adata e i ghe da sot pì che i pol	Da lontan e da vissin Ehh Pan e Vin!
19	Pan e vin con la fameia dei Sartor, i gà fat un gran falò con l'aiuto del trator, per no perder la tradision el più vecio ghe dà la benedission e al più zovin che toca l'accension	Da lontan e da vissin Ehh Pan e Vin!
20	Pan e vin par Stefano Turchet, el territorio del comun el ghe va stret, in Provincia o in Region el volarà, però le mostre el ne finanzierà.	Da lontan e da vissin Ehh Pan e Vin!
21	Pan e vin par el Consiglio Comunal, speren che le robe no le finissa in tribunal, el prefetto i dossi proprio no i li vol e tocherà butarli zo par el Risiol.	Da lontan e da vissin Ehh Pan e Vin!
22	Pan e vin par Sergio Piccolo, con le so bontà el nè fa un cenacolo, e speren che el continui a farlo sarem sempre pronti a ringraziarlo.	Da lontan e da vissin Ehh Pan e Vin!
23	Pan e vin par el popolo de Pordenon, ste litanie non vol esser nà competision, l'intento l'è sol quel de salvar 'na tradission, a Don Antonio domanderèn la benedission.	Da lontan e da vissin Ehh Pan e Vin!
	Pan e vin e bisatele che le biave le vegni bele	Da lontan e da vissin Ehh Pan e Vin! Ehh Pan e Vin! Ehh Pan e Vin!
24	Pan e vin par quei che gà lavorà, canten, beven tuti insieme quà ringrazien, stene ben, se stensen la man, se den appuntamento al prossimo an	Da lontan e da vissin Ehh Pan e Vin! Ehh Pan e Vin! Ehh Pan e Vin!

Palse, 05.01.2011

Il Comitato de la Memoria
(Palse nella Memoria – La Memoria di Palse)